

Fwenyoux Ak Gvaq Raemxdah Cin

情歌赛过春江水

□ Ciz Gez Sij Cinz Siengzcouh Fanhoiz Cingileix

Mbwk:

Raemxdah cin yo daj naj ranz gvaq,
Youq hamq doiqnaj miz daeggo,
Faexsaux baez diemj yo daengngoenz yo,
Dahnuengx sim' oq cingz hailangh.

Sai:

Raemxdah cin yo daj ndaw moengh gvaq,
Dah gyaeu raemx gyaeu funggingj lai,
Nuengx mbouj miz sim yawj doxgaiq,
Bin bya hamj gyaiq eu fwenyoux.

Caez:

Fwenyoux ak gvaq raemxdah cin,
Dahnuengx hai sing daeggo daeuj,
Go dwg boi ya nuengx dwg laeuj,
Boi laeuj doxgyaez ya cingzeiq lai.

Fwenyoux ak gvaq raemxdah cin,
Couh lumj rumzcin raeuj ndawsaem(ndawsim),
Nuengx dwg duzbya go dwg raemx,
Duzbya caeuj raemx ya nanz faenmbek.



▲ Gyoengq dahsau caeuj daegmbauq Bouxcuengh youq henz dah angqvauvau eu fwen

Mbwk:

Raemxdah cin yo daj naj ranz gvaq,
Youq hamq doiqnaj miz daeggo,
Faexsaux baez diemj yo daengngoenz yo,
Dahnuengx sim' oq cingz hai langh.

Sai:

Raemxdah cin yo daj ndaw moengh gvaq,
Dah gyaeu raemx gyaeu funggingj lai,
Nuengx mbouj miz sim yawj doxgaiq,
Bin bya hamj gyaiq eu fwenyoux.

Caez:

Fwenyoux ak gvaq raemxdah cin,
Dahnuengx hai sing daeggo daeuj,
Go dwg boi ya nuengx dwg laeuj,
Boi laeuj doxgyaez ya cingzeiq lai.

Fwenyoux ak gvaq raemxdah cin,
Couh lumj rumzcin raeuj ndawsaem(ndawsim),
Nuengx dwg duzbya go dwg raemx,
Duzbya caeuj raemx ya nanz faenmbek.

Duznou Haq Lwg

老鼠嫁女

□ Vangz Fungmingz / 黄凤明

Laj din ciengz miz aen cog nou ndeu, ndawde daeng ronghsagsag, ndoiq gyong daj laz, neix dwg maz saeh ne? O! Nyuenz dwg duznou yaek haq lwg.

Dahlgw duznou baenzsau, seizneix de yaek okhaq le, daxmeh cam daxboh naeuz: "Gvan, dahlgw raeuz haq hawj bouxlawz cij ndei ne?"

Daxboh dwg boux ngoengqngwt he, de gangj naeuz: "Bouxlawz hingzsaenz couh haq hawj de!" Songde doxyaeng daengz ranzrongh le, baez ngiengxgyaeuj yawjraen aen daengngoenz, songde nyinhnaeuz daengngoenz ceiq hingzsaenz, couh riuhohe cam daengngoenz: "Daengngoenz ha, mwngz ceiq hingzsaenz, gou yaek haq dahlgw gou hawj mwngz, mwngz aeu lwi?" Aen daengngoenz dingqnyi le, couh gangj naeuz: "Gou mbouj hingzsaenz, fwj baez daengz henz ndang gou, cw gou hwnjdaeuj, gou couh lau baenz saenzhawhaw lo!"

Daxboh duznou couh buetdeuz lo, daengz henz dujfwj le, couh riuhohe gangj naeuz: "Dujfwj ha, mwngz beij daengngoenz ak, gou yaek haq dahlgw gou hawj mwngz, mwngz nyienh aeu de bae guh yah mwngz lwi?" Dujfwj naeuz: "Gou mbouj miz maz ak ne, danghnaeuz raq rumz hung ndeu baez ci, gou couh deng de ci ndaej mbinngaungau lo!"

Daxboh duznou youh buetdeuz lo, de youq laj go faex hung ndeu deq raq rumz, baez raen couh angqvauvau naeuz: "Raq rumz ha, mwngz beij daengngoenz caeuj dujfwj lij hingzsaenz, gou yaek haq dahlgw gou hawj mwngz, mwngz aeu lwi?" Raq rumz gangj naeuz: "Gou miz maz hingzsaenz ne, fajciengz baez dangj baihnaj gou, gou couh deng daengx roengzdaeuj, baenaj mbouj ndaej lo! Mwngz bae ra fajciengz guh lwggwiz mwngz ba."

Daxboh duznou youh buetdeuz lo, de angqfwtfwt ra faj ciengz he couh gangj: "Fajciengz ha, mwngz beij daengngoenz, dujfwj caeuj raq rumz lij hingzsaenz, gou yaek haq dahlgw gou hawj mwngz, mwngz aeu lwi?" Fajciengz riuhahe gangj naeuz: "Duznou rox vat congh, duznou daengz neix baez vat congh, gou couh deng loemq roengzdaeuj lo!"

Daengngoenz lau fwj, fwj lau rumz, rumz lau

ciengz, ciengz lau duznou, duznou lau byawz ne? Daxboh duznou bek ga hung riuhahe gangj: "Nyuenz dwg duzmeuz ceiq hingzsaenz, dahlgw gou wngdang haq hawj de."

Gangj sat le, duznou couh ndoiq gyong daj laz, dahlgw duznou daenj buh nding naengh youq ndaw giuhva okhaq lo, gwnz roen youh eu fwen youh diuqfoux, mbouj geij nanz couh bae daengz ranz duzmeuz lo.

Duzmeuz ngamq hwnq mbonq, couh dingqnyi eu fwen laz yiengj, laihnaeuz ranzcawj de guh laeuj angq ne, baez ok rog bae yawj, cij rox dwg duznou soengq dahlgw daeuj haq hawj de, ndawsim angq raixcaix.

Ngoenzlaeng, duznou gvanbaz bae ranz duzmeuz yawj dahlgw, yawj ndaw yawj rog, yawj gwnz yawj laj, cungj mbouj raen dahlgw. Songde couh guhmuengz cam duzmeuz: "Lwggwiz ha, dou daeuj baenzlai nanz le cungj yawj mbouj raen dahlgw, de bae gyawz ne?" Duz meuz rizriz henz bak de, riuhohe naeuz: "Bohda mehdaiq ha, gou gyaenz dahlgw sou lai, de gyaundeil lai, gou lau bouxwnq hangz de, couh coq de daengz ndaw bak ndwnj roengz ndaw dungx gou bae, yaeuq de hwnjdaeuj lo!"

Duznou gvanbaz dingqnyi le couh daej lo.

Haemhneix de gig mbouj cingq-ciengz, gij cingz gaenq mwnh gongj sawqmwh youh fukdaug lo, daj Siu Cuh ngeix daengz daxmeh de, gij sing daxmeh de youq baihrog miuhsaenz-vangz daej ndaej daep dek mbei cieq, lumjnaeuz lij youq henz rwz hap.

De fwt daj gwnz dongfiengz naengh hwnjdaeuj, song fwngz youq ndaw laep luenh va, lumj dangqnaj miz caengz doxgaiq maz laengzdangj de lo, itdingh aeu gaemhdawz le caiq mbek bae.

"Meh——"

Hemq sing ngoemh he le, de youh ninz roengzbae lo, goemq naj youq ndaw dongfiengz, raemxda lumj raemxmbaq nei laeliklik.

Ngoenz daihngaih, gij bingh bouxfamhlaux ndei lai lo, de aeu fwngz riuq lienhgazdin, menhmenh ning ndang depgyawj Lungz Byauh.

"Vei, daegmbauq."

•Sawcuenhraz Lwngnyez•

Gij Golwngnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

Lungz Byauh baez fanndang, ninz youq gwnz dongfiengz ngiengxyawj de, ndaw lauz gig laep, byawz hix yawj mbouj cingcuj gwnz naj doiqfueng.

"Mwngz ndei lwi?"

"W, gyo' mbaiq mwngz."

Coenz vah neix geijlai swnhbak ha! Siu Cuh hix gaenq baenzneix gangj gvaq.

"Hei, gaej yienghneix gangj."

"Mwngz hix mbouj cwxcaih lwi?" Bouxfamhlaux haeujsim cam.

"Gou dwg ndawsim mbouj luba!" cwxcaih."

"Huk!"

"Gou ndaej hag lumj mwngz yienghneix couh ndei lo, maz cungj mbouj dawz haeuj sim."

"Daegmbauq, gou haeuj gizneix geijlai nanz, mwngz haeuj gizneix geijlai nanz le?"

"Mwngz haeuj geijlai nanz lo?"

"Gou hix geiq mbouj ndaej lo, aiq gvaq le cibgeij aen seizdoeng

"Ha!"

"Mwngz gaej simgip, caiq gvaq haj aen seizdoeng, couh menhmenh maz cungj mbouj dawz haeuj sim lo."

"Ai—— Gou baenzlawz deng gyaeng baenzlai nanz ne?"

"Hei hei, lauheiq hix ca mbouj geijlai lo, dingqgangj mwngz dwg vunz lajfwngz 'Vangzvaizgyaiq' Byayauz?"

"Ien' uengj! Gou gaenbonj mbouj dwg……"

(caengz sat)